



SULEQATIGIISITSUT
SAMARBEJDSPARTIET

Nuuk ulloq 30. januari - 2020

Inatsisartut Suleriaasianni § 37 imm. 1 naapertorlugu Naalackersuisunut apeqquiti imaattut matumuuna saqqummiuppakka:

Naalackersuisunut apeqquiti:

**1. Nalinginnaasumik nuattoqarnerani nualluummillu tuniluuttoqassappat Coronavirus, 2019-nCoV, Wuhameersoq tunnillaassuunnersoq misissorneqarsinnaanersoq Naalackersuisut ilisimavaat?
-Taamaattoqarpas qinnuivigineqarpusi tamanna qanoq pisinnaanersoq nassuiaqqullugu.**

2. Naalackersuisut tamanna pillugu oqartussat kikkut suleqatigaat? Immaqa naalagaaffiit nunallu allat?

3. Kuppilersuummik pissarsinissap siuarsarnissaa viruseqartoqalerneranilu katsorsaasinnaaneq qulakkeerniarlugit Naalackersuisut nunarsuarmi suleqatit kikkut, suleqatigaat?

4. Innuttaasunut tunulliatseriaannaanerusunut inunnik tunillanneqarsimasunik sumiiffiit ilaanniittunik attaveqarsimasinnaasunut qaammarsaanissaq Naalackersuisut ilungersuutiginiarpaat?

5. Naalackersuisut allanik suliamut soqutiginaatilinnik paasisutissiisinnaanerlutik?
(Inatsisartunut ilaasorta q Tillie Martinussen, Suleqatigiissitsut)

Tungavilersuut:

Coronavirussi nunarsuarmi sukkaoorujussuarmik siaruaappoq, nunatsinnilu tunillatsittoqassappat piareersimanissaq pingaaruteqarpoq. Peqqinnissaqarfiippat naammatunik nakorsaqqangimmat, peqqissaasoqqangimmat peqqissaanermilu assistenteqqangimmat suliamillu ingerlatsinermi immikkut ilisimasalinnik peqqangimmat, virussip taamaattup sukkaasuumik siaruaakkunartup sillimaffiginissaa pingaaruteqarpoq.

Pingaartumik innuttaasut nunatsinni tunillatseriaannaasut amerlasuut eqqarsaatigalugit innuttaasunillu tunnillaassuuttoqarfinni ilaatigut Kinamiittoqarsimanera Europamiittoqarsimaneralu eqqarsaatigalugit nunarsuarmi taamatut ajornartoortoqarnera Kalaallit Nunaanni qanoq iliuseqarfiginiarneqarnerasoq ilisimassallugu innuttaasunut pingaaruteqarpoq

Peqqinnissaqarfik tamassuminnga iliuseqarsinnaassuseqarnerasoq tusassallugu soqutiginarsinnaavoq. Inuit sumiissimaneri kikkullu attaveqarfigisimaneraat paasiniassallugu Kalaallit Nunaanni paasiniaanissallugu kiisalu inuit nuallunermik nuannermilluunniit takussutissaqarpata misissortikkiartornissaannut aggersarneqarnissaat ajornanngikannernerusutut isikkoqarpoq.

Pingaartumik Coronavirussi anersaartuutit qulaatungaannut ataatonngaannullu pisarnera eqqarsaatigalugu taamaatullu KOL-imut, nuammik sakkortuumik puammi unittoornermut kiisalu kissarneqarnermut, nuannermut il.il. aamma taassuma qanoq tuniluuttuutsigisarnera suli ilisimannginnatsigu tamanna eqqumaffigineqarnerasoq tusarusunnarsinnaavoq.

Nappaatip qanoq toqqussutaasinnaatiganera suli nalunarpoq. Inuiaqatigiilli ikitsunik innuttaqartut nakorsamut napparsimavimmullu ungasittut utoqqarpasuaqartullu immaqa nappaammut takussutissanik nakkutiginnigitsut eqqarsaatigalugit suliamillu ingerlatsinermi sulisut takussutissanik aamma nakkutiginnittussaatiillugit pisup Naalackersuisunit qanoq iliuseqarfiginiarneqarnera innuttaasunit tusassallugu eqqissiallannartuussaaq.

Apeqqutima ullut sulliviit nalinginnaasut qulit iluanni akineqarnissaat kissaatigaara.



**SULEQATIGIISITSISUT
SAMARBEJDSPARTIET**

Tillie Martinussen

Samarbejdspartiet - Suleqatigiissitsisut